捣藻堂四庫全書

音薈

要

史部

頹 欽定四庫全書管要卷五千八百九十八史部 之 ع 9 宋史卷二百七十 行字祖德兗州 列傳第二十九 段思恭 馮 頹 元中書 5 蹐 衎 Le dus IV 右丞 劇可久 侯陟 邊 曲阜人自言克國公四十五世孫 珝 相 宋史 總 李符 趙 明 逢 裁 托 克 魏 許仲宣 蘇曉 丕 托等修 楊克讓 董樞 高 防

客軍吏咸以為辱及正人習甚悔馬即表為觀察推官 鎮天平習武臣之廉慎者以書告屬邑母聚飲為獻賀 苦學治左氏春秋梁龍德中擢第解褐授北海主簿以 行東歸養親未幾房知溫鎮青州復辟置幕下知溫險 之尤篇行至即焚其廟後唐天成中為鄒平今符智初 治行聞再調臨濟令臨濟多淫祠有針姑廟者里人奉 且塞前事長與初召拜太常博士智力奏留之習致仕 未領書以故規行之尋為吏所訟智處召行答之幕 四月白 11 | 卷二百七十

諸 檢校左庶子知州事居半歲得家問父在青州有風痺 於行知溫子彦儒授沂州刺史行拜殿中侍御史俄遷 **愎厚敛多不法衎每極言之不避其患晉祖入洛知溫** 都 **術不奏棄官去侍疾不復有仕官意歲餘父疾不能** 子不慧行動令以家財十萬餘上進晉祖嘉之歸功 官員外郎充東都留守判官改河陽三城節度副使 兵力偃蹇行勸其入貢知溫以善終行之力也知溫

行親自掬矢未當少倦晉祖聞之召為工部郎中

). A. ..

宋史

養授青州行營司馬丁父憂哀毀甚俄召為駕部郎中 誤有聞達望放臣還遂其私養晉祖曰朕自知卿 密直學士連使促召至闕解曰臣無他才術未知何 上言纔除御史者旋授外藩賓佐復有以私故細事求 人薦也俄廢樞密院以本官奉朝請踰年上表請還侍 鐵判官以母老懇解有詔止守本官未幾復出為天 御史中丞喪亂之後朝綱不振行執憲頗有風采當 軍節度副使開運末授左諫議大夫權判河南府召 匹庫全書 卷二百七十

埞

俄充端明殿學士太祖征兗州駐城下遣行往曲阜祠 得 外拜州郡無參謁之儀出入失風憲之體漸恐四方 復抗表求侍養改戶部侍郎行又堅乞罷免詔書褒 出京自餘不令釐雜務詔惟辟召入幕如故餘從其 追赴關行解以足疾不至周廣順初起為尚書右丞 輕易百辟無所準絕請自今潘鎮幕僚勿得任臺 與其母東歸漢乾祐末丁憂服除詔鄆州高行 親王宰相出鎮亦不得奏充實佐非奉制勘事勿

E

Mal orma of tear

宋史

劇 鄉里臺閣縉紳祖錢都門外冠蓋相望時人榮之建隆 三年春卒于家年七十四行守章句無文藻然該直孝 文宣王廟城平以行權知州事歸朝權知開封時王峻 鳳為友後唐同光初鳳薦於朝補徐州司法以幹 兵部侍郎顯德初上表求解官授工部尚書致仕還 可久字尚賢涿州范陽人沉毅方正明律令與馮道 行與陳觀俱為峻所引用會峻敗觀左遷行罷職 巻二百七十

諭德大理少卿賜金紫晉祖崩可久方在病告有司糾 聞召為大理評事賜緋踰年遷大理正坐誤治獄責授 私鬻鹽罪不至死判官楊瑛寬以大辟有司攝治瑛瑛 以不赴國哀坐免未幾復官遷大理卿周廣順初改太 具伏可久斷瑛失入減三等徒二年半宰相王峻欲殺 召可久謂之曰死者不可復生瑛枉殺人其可恕耶 州司戸遇赦召為著作郎任晋歷殿中少監太子右 卿復為大理卿會鄭州民李思美妻詩御史臺訴夫

庶子世宗以刑書深古條目繁細難於檢討又前後勃 京顯德三年所舉官犯贓可久坐停任明年復起為右 **堯舜之世亦不能捨此而致治今奉制古刪定律今有** 格重互亦難詳審於是中書門下奏曰伏以刑法者御 以見明罰敕法之意也竊以朝廷之所用者律十二卷 人之街勒救弊之斧斤有國家者不可一日而廢也雖 可久執議益堅瑛得免死由是忤峻改太僕卿分司西 疏三十卷式二十卷令三十卷開成格一十卷大中

欽

定四庫全書

允王伸等十人編集新格勒成部秩律令之有難解者 繁多或有所疑誤將救舞文之弊宜伸畫一之規所龔 太常博士趙礪國子博士李光贊大理正蘇曉太子中 民不陷刑吏有所守臣等商議望準制古施行仍命侍 汀職方郎中鄧守中倉部郎中王瑩司封員外郎賈班 史知雜事張是太子右庶子劇可久殿中侍御史率 制物等律令則文解古質或難以詳明格勃則係目 類一十二卷後唐以來至漢末編動三十二卷及國 ドヒ

供膳五年書成凡三十卷目曰刑統宰相請領天下與 書省四品以上及兩省五品以上官參詳可否送中書 就文訓釋格勒之有繁雜者隨事刑削其有矛盾相違 輕重失宜者盡從改正無或拘牽候畢日委御史臺尚 下議定從之自是提等於都省集議刑定仍令大官 疏令式並行可久復拜大理鄉建隆三年告老改光 致仕卒年七十七可久在廷尉四十年用法平允

定四庫全書/八

卷二百七十

以仁恕稱

直史館周廣順中歷左拾遺右補關皆無史職世宗嗣 封尹表逢為巡官逢不樂乃求舉進士是歲禮部侍郎 光為牙校後唐天祐中莊宗遣周德威平幽州因誅崇 集賢殿學士司徒翊典貢舉擢登甲科解褐授秘書郎 下從曬卒侯益領節制逢又依之漢乾祐中益入為開 尚幼德威錄為部曲令與諸子同就學及德威戰沒 **陂逢乃游學河朔間久之西游客鳳翔李從臘門**

趙逢字常夫為州懷戎人性剛直有吏幹父崇事劉守

駕還京有密古除拜逢當草制又稱疾不入太祖謂字 擁 位 欽 相 遷禮部員外郎史館修撰顯德四年改膳部員外郎 司戶會思量移汝州司馬乾德初召赴關授都官 兵入寇又慮太行艱險乃妄言墜馬傷足留於懷州 初拜中書舍人太祖征澤潞逢從行次河内聞李筠 日此人得非規避行役者耶對曰誠如聖言遂貶房 定四庫全書 語逾年轉水部郎中仍掌語命恭帝即位賜金紫 卷二百七十

知制語充史館修撰判館事二年改判昭文館未幾

聲然傷慘酷又言多訴計故縉紳目之為鐵糜大中祥 諸道丁壯數十萬築堤壅汾水灌晉陽城逢白太祖乞 氏病死京師詔給葬事代還遷給事中充職六年權知 **貢舉太祖征太原以逢為隨軍轉運使鑄印賜之會發** 充樞客直學士加左諫議大夫蜀平出知問州時部內 用即命督其版築時方盛暑逢於烈日中親課力役 而遘疾輿歸京師開寶八年卒逢歇歷清近所至有 賊攻州城逢防禦有功賊既平誅滅者僅干家妻朱

宋史

黃舒廬壽五州茶置十四場規其利歲入百餘萬紹開 徳 符三年特詔錄其子極為三班借 事遷度支郎中乾德三年出為淮南轉運使建議權嶄 順 中歷屯田郎中宋初詔與實儀奚嶼張希讓等同詳 初由華州支使入為大理正以讓獄有功遷少卿 初晓辟鄧州從事漢祖鎮太原表為觀察支使周廣 刑統為三十卷及編敕四卷建隆四年權大理少卿 晓字表東京兆武功人父瓚仕後唐歷秘書少監長 職

欽

定四庫全書

卷二百七十

寶三年遷司勲郎中改西川轉運使仍掌京城市在先 守信息女守信當用木為筏以遺適曉得守信所送書 連及者多致破産盡得所隱沒官錢擢拜曉右諫議大 鉅萬既受代為部下所發守信至中年自到於傳舍太 以進太祖将捨之曉上章固請寘於法仍籍其家餘所 祖命晓案之逮捕甚衆右拾遺通判秦州馬適妻李即 朝廷遣供備庫使李守信市木泰雕問守信盜官錢 判大理寺賜金紫遷左諫議大夫七年監在京商稅 Led J. A. In 宋史

平無子有一女甚鍾愛亦先曉卒人以為深刻所致 高防字修已幷州壽陽人性沉厚守禮法累世将家父 盗官木造器市取其直從恩聞之怒将殺之洪進懼思 孝好學善為詩初張從思為北京副留守奏攝太原府 從慶戌天井關與梁軍戰死防年十六護極以歸事母 倉曹掾從恩移澶州防禦使表為判官有親校段洪進 九年六月卒年七十三曉深文少恩當時號為酷吏及

定吃庫全書]

卷二百七十

緩其罪給曰判官使為之從思召防詰之防即引伏洪

重從思入為樞密副使防授國子監丞從恩留守西洛 隨從恩歷鄆晉潞三鎮判官契丹入汴晉主北行從恩 欲歸教契丹召拜計議防為陳逆順請固守臣節為左 又為推官召拜殿中丞充鹽鐵推官以母憂去官服除 又居帳下歲餘稍稍有言防自誣以活人從思益加禮 自明既而悔之命騎追及防不得已而還賓主如初

飲定日車至書

宋史

所搖從恩不用其言遂歸契丹既行命副使趙行遷

進得免從思遺防錢十千馬一匹遣之防拜受而去終

事 金部即中乾祐初授屯田員外郎改浚儀令時楊 守思謀誅行遷以城歸漢祖漢祖召防赴太原加檢校 妻族受賂偽言風狂病瘖吏引律不加拷掠具獄上請 知留後從恩所親王守恩為巡檢與防同領郡事防與 開封令遷本府少尹除刑部郎中宿州民以刃殺妻 祖 入授防防寤而思曰白主刑吾當為主刑官乎俄而 與防有除未幾免職居數月夢一更以白帕裹印 即位起為刑部員外郎吏齊印至一 卷二百七十 如夢中所 邠 白

馳騎召防吳軍復至廣陵防與令坤敗之詔書嘉獎三 大夫賜金紫鞍勒馬顯德二年遷給事中從征淮南初 州民入牙城分兵固守以俟外援俄而揚帥韓令坤 世宗尹京判官崔頌忤古簡求僚佐宰相首以防薦 亦當須索飲食願再劾必得其情問祖然之卒寡於 祖曰朕方欲用之乃以防代頌世宗即位拜左諫議 州即命防權知州事兼判海陵監事會吳師至西

秋史

覆防云其人風 不能言無醫驗狀以何為證且禁繁瑜

筠防又為潞州東北路計度轉運使澤潞平拜尚書左 年 防 世宗南征判行泗州及城降命防知州事復知蔡州 年 賜銀器綵帛鞍勒馬建隆二年出知秦州州與夏人 置使屢發芻糧赴鳳州為征討之備太祖還自陳 遷戸部侍郎世宗謀取蜀以防為西南面水陸轉 改左散騎常侍其秋召歸闕復歷知蔡宋二州再 居為里民所略詔賜綾絹衣服衾禂鞍馬及征李

定

匹庫全書/

卷二百七十

處因知教養防齊之以刑舊俗稍革州西北夕陽鎮

復出知鳳翔乾德元年卒年五十九太祖甚悼惜賜其 渭奪木筏殺役兵防出與戰俘四十七人以獻太祖慮 |卒三百歲獲木萬章夏部尚波干等率諸族干餘人涉 |築堡要地自渭而北夏人有之自渭而南秦州有之莫 採木之役命吳廷祚為節度以代防歸為樞家直學士 擾邊郡詔諭酋帥賜所獲之俘錦袍銀帶以遣之遂罷 連山谷多大木夏人利之防議建採造務闢地數百里 太府寺丞延緒詔曰爾父有幹盡之才懷匪躬之節

ŗ

AT DE TOTAL OF THE LOCAL

末史

後唐司農鄉瓚以蔭補解褐授秘書省校書郎遷著作 馮 朕 郎出為諸城令歲滿授太子右對善大夫漢初改監 洛陽嫠婦交訟韶瓚劾之獄成大理斷以官當徒 瓚字禮臣齊州歷城人性便佞任數務巧進父知兆 歸葬西洛凡所費用並從官給 無餘資殯險所須特宜優恤今遣供奉官陳彦珣部 御史周廣順元年遷殿中侍御史河陽判官宋仁範 芡 毗倚遽茲淪亡聞之盡傷不能自已矧素尚清白 1 Att. 18 1 卷二百七十

内有孤蒲魚鱉之饒居民採以自給防禦使司超盡征 論有吏材太祖甚寵之擢拜左諫議大夫出知舒州境 直學士宋初轉兵部郎中加金紫階蹟風神俊爽善談 兩官告身刑部員外郎張處素覆核無異奏行仁範請 **瓚奏奪民利請蠲除從之建隆四年春徒知廬州乾** 部員外郎充三司判官歲餘改祠部郎中充集賢院 三年以本官充樞家直學士時劒外初平卒有亡命 訴其事詔還一官瓚泊處素俱坐降 階顯德初遷

2

2. 4.5

末史

<u>t</u>

潰矣城中止有雲騎兵三百令分守城門瓚坐城樓客 上官進斬於市誘其餘黨千餘人並釋其罪境內獲安 令促其更籌未夜分擊五皷賊悉遁去因縱兵追之擒 初太祖欲任用瓚常與趙普言瓚有竒材普忌之乃遣 合之衆以錐挺相擊必無固志正可持重以鎮之旦自 三千餘人掠民數萬夜攻州城瓚曰賊乘夜奄至此鳥 者散匿為盜命瓚知梓州無何蜀軍校上官進率亡命

定四庫全書 |

計蜀平寇潛令所親信從其行家察其過即亡入京師

德裔佐王饒幕太祖納孝明皇后因識之德裔輕率而 史李概受財為姦事急召歸關親問之詞理屢屈乃屬 門島美配隸通州海門島熬免所居官李檝者當與王 太祖欲貸之普固執不可乃削去名籍瓚流登州沙 題將以賂劉熬数方在太宗幕府職具伏普言法當 既而普遣人至潼關閱其囊裝得金帶珍玩之物皆

一擊登聞皷訟瓚及監軍綾錦副使李美通判殿中侍御

概謹厚太祖薄德裔而厚檝至是擑特免配流未幾復

末史

?

宗即位授左對善大夫太平興國元年冬與禮部員外 郎賈黃中左補闕程能分掌左撤三庫先是貨泉與金 為御史瓚在海上凡十年不得召開寶末遇赦及還太 巻二百七十

四月全書

省以足疾求解優韶免朝請令於本司視事職抗章請

退除給事中致仕復舊勲階五年卒年六十七子克忠

太原以瓚為隨駕三司判官凱旋改大理鄉兼判秘書

大理寺改度支判官遷秘書少監充職四年上親征

帛通至是以帑職充溢乃命分之二年復賜金紫明年

至内殿崇班閤門祗候 父蔚太常卿 珝字待價華州鄭人也曾祖頡石泉令祖操下邳令 直洪文館漢乾祐初為右拾遺加朝散大夫澤州 珝晉天福六年舉進士解褐秘書省校書

顯德二年改庫部員外郎丁外艱服関授職方員外郎 通州 **珝課鬻鹽於狼山歲增萬餘石宋初詣衞州**

詔

視民田周廣順元年遷右補

闕三年轉起居舍

秋稼及掌京倉建隆二年兄玕自河南令入為吏部員 5 Le ALIO 18/

宋史

征江表兼領淮南轉運使金陵平知江北諸州轉運事 郎中監京兆鞠務又掌永安軍權貨奏徒務揚州有富 外郎復以珝為洛陽令兄弟迭尹赤邑時人榮之乾德 民訴廣陵尉謝圖殺其父本部收尉囚之官吏推劾累 三百日獄未具州以狀聞 初召為倉部郎中蜀平命羽知三泉縣開寶初遷職方 私憾誣告尉即反坐之就命權知州事仍兼權貨務 郡又兼掌酒稅鹽攀務未幾丁母憂起復知州事會 詔羽案鞫盡得其實乃富民

吏材帝方欲倚用及聞其卒歎惜數四賻其家絹四百 之於罪釁太平與國五年代歸拜右諫議大夫領吏部 歸維州又屬郡守與護軍有忿隙者但奏令易地不致 太宗即位遷吏部郎中召還賜金紫充廣南轉運使初 匹錢二十萬珝一子早卒以其從子俊為尉氏主簿兄 選事七年移知開封府明年夏卒年六十三珝精力有 僕人乃分匿其家財羽召官吏悉追取之部送其柩 桂州守張頌卒頌維州人豪葬城外舊制不許以族

次 足 日 華 全 考一人

宋史

玕至金部郎中弟玢右贊善大夫從子傲至殿中丞倚 明字如晦大名成安人晉天福中舉進士不第驍騎 比部員外郎 卷二百七十

觀察巡官周廣順初元福領陳州防禦使奏署判官會 劉崇寇晉州命元福將兵援之事多咨於明先是州縣 將藥元福為原州刺史辟為從事馮暉節制靈武表為

軍門將就戮明馳往止之入白元福曰今軍儲無闕丁

部送丁壮的糧一夕夫盡過去元福怒盡驅官吏出

明為書記賜維魚顯德初元福移鎮陝恃功多驕恣明 敗 夫數萬人文吏懦不能制斬之何益不如寬以待之賊 直道規之件其左右多毀明於元福元福亦稍疎之 以父病求歸省元福數召明明因謝絕之詣闕上書 而崇衆宵遁即命元福為建雄軍節度留鎮因奏署 凱旋公無專殺之名不亦善乎元福感悟盡免其死 縣歷清平郾城二縣令宋初荆南高繼沖入

授彭門節鉞以明為武寧軍節度掌書記乾德初召公

尺

E

日華全書

宋史

ţ

轉進供億不關每下一郡 為隨軍轉運使山路險絕舟車不通但以丁壮數萬人 兵於嶺南選為荆湖轉運使開寶三年大舉南征以明 則我師勝負未可知諸将頗猶豫明乃擐甲胄率所 詔召為左拾遺蜀平選知柴州代歸遷右補闕會用 近臣各舉清白有吏幹者一人給事中馬士元以明 護送輜重卒百人擁丁夫數千番鋪皆作堙其塹直 而賀州未下明入與主帥計曰當急取之恐援兵 城必先保其簿書守其倉

史充轉運使俄以潘美尹崇珂為嶺南轉運使以明為 為本道轉運使太祖嘉其功擢授秘書少監領韶州 大軍因迎擊之賊大敗斬首數萬劉銀以城降廣州平 軍俸食陣以待之俄而萬炬皆發焚其柵賊驚果來犯 餘萬拒戰是夕大風發屋折木眾乃驚懼明與都部署 抵城門城中懼開門納敦遂據有之因抵廣州賊衆十 潘美等謀命丁夫數千人人持二炬間道先搗賊壘大 使明偏歷部内視民疾苦舊無名科欽悉條奏除之

足可車全書

宋史

ŧ

· 有表遂安七年代歸帝召見勞問賜襲衣金帶鞍勒馬 欋 是歲将用師南唐以明為黃州刺史帝密授成算明既 武昌殺江南軍七百人拔樊山岩破江州軍斬首三 事即完葺城壘訓練士卒衆莫解其意俄而王師 級又破江南軍三百人於江中獲船十餘艘又擊敗 清乘戰艦而下即以明為池州至岳州江路巡檢戰 口軍萬餘眾奪戰艦五百艘時南唐將朱令贊自上 部署擊鄂州軍於江南斬首三百級又破萬餘 白

江領衆十五萬連大艦沿流而下將焚采石浮梁抵金 帆 金 戰 軍合勢大破之擒令贇衆赴水死者十五六金陵平詔 明安撫諸郡因命知洪州太宗即位蔗領江南諸路 明 一陵之圍解矣乃密遣人諭明令樹長木於洲浦問若 為接明率所部舟師屯獨樹口遣其子馳奏請添造 樯之状令贇望見之果疑大軍襲其後逗撓不敢進 艦三百艘以襲令賛帝曰非應急策也令賛朝夕至 機諸軍相為掎角因督兵權襲之至小孤山與諸 こと

知并州端拱元年代還表求換秩改禮部侍郎會契丹 侯陟同判三司事八年召分三司各命使領之改左諫 運使召為右諫議大夫充三司副使太平興國七年與 飲定四庫全書 人 大夫為鹽鐵使遷給事中雍熙四年改光州刺史出 卷二百七十

臺省累為轉運使皆知名挺至殿中侍御史扶當直集

朝官差遣事二年卒年七十三子挺扶並進士及第歷

擾邊詔以明知真定府契丹遁去淳化初詔歸閼知京

賢院至工部員外郎景德中錄幼子掞為光禄寺主簿

勢地里廣家可以為州 許 大中祥符八年又錄其孫師顏為三班借職掞至殿中 團 建牧馬監令仲宣行視諸州頗得善地從征并門掌 顯德初解褐授濟陰主簿考功員外郎張义薦為淄 之擢授太子中允受詔知北海軍仲宣度其山川 仲宣字希察青州人漢乾祐中登進士第時年十 練判官宋初赴調引對便殿仲宣氣貌雄偉太祖 宋史 郡因畫圖上之遂升為維州 龙

夷寇鈔邊境仲宣親至大度河諭以逆順示以威福夷 遷兵部郎中驛召赴闕賜金紫授西川轉運使屬西南 Ð 年 人率服會言事者云江表用兵時仲宣乾沒官錢召還 召升殿獎諭賜維九年詔知永興軍府事太宗嗣 知荆南轉運事及征江南又魚南面隨軍轉運事兵 四十餘州資糧悉能集事帝益知其疆幹開寶四 供饋無闕南唐平以漕輓功拜刑部郎中中 位

欽

定四庫全書/

巻二百七十

令御史臺盡索財計簿鈎校凡數年而畢無有欺隱改

遣使修貢仲宣復上章待罪帝嘉之太平與國六年冬 諫垣仲宣為左諫議大夫未幾召還以本官權度支雍 南郊畢遷吏部郎中八年與膳部郎中知雜滕中正兵 廣南轉運使會征交州其地炎瘴士卒死者十二三大 四年出知廣州未上移知江陵府俄改河南府端拱 諸州開庫賞賜草檄書以諭交州交州即送欸內附 郎中劉保熟刑部郎中辛仲甫皆以久次郎署擢陞 孫全與等失律仲宣因奏罷其兵不待報即以兵分). 1. IV 宋史

宣已預料置奉之如其數其才幹類此子待用至國子 征江南都部署曹彬令取陶器數萬給士卒為燈具仲 突中令聞之倉皇失措仲宣處之晏然人服其量當從 之封識如故以授仲宣翼日署事發匣則無其印因逮 嬖妾與其室爭寵令弗能禁嬖欲陷其主竊取其印藏 中遷給事中淳化元年卒年六十一仲宣性寬恕倜儻 不檢有心計初為濟陰主簿時令與簿分掌縣印令畜 縣吏數華及令簿家人下獄鞠問果得之於令舍電 贞 四月全書

|博士待問再舉及第至殿中丞待旦至比部員外郎待 用子巨源亦登進士第

楊克讓字慶孫同州馮翊人高祖公畧洪州都督晉末

下克讓以舊職從行彦成入為執金吾病篤奏稱其材

可用克讓以彦成死未葬不忍就祿退居别墅俟張氏

子外除時論稱之歷鎮寧軍掌書記顯德二年調授鳳

たモョ

La dis V

宋史

節度張彦成表授掌書記周廣順初彦成移鎮安陽穰

舉進士不第州將劉繼勲辟為戸曹掾漢乾祐中本府

善政璽書褒美代歸闕下疏民利病十事稱古太祖召 権貨務乾德六年知果州上言願畢襄事特賜絕錢許 翔 素知其名會贊入覲復稱其才即起為左補闕掌斷口 府司錄參軍加兼監察御史以祖母老解官歸養未 殿賜坐勞問面賜金紫将大用為侯陟所沮事見陟 累加朝散大夫兼殿中侍御史連以家難去職太祖 改延州觀察推官與通判宋琪並為節度使趙贊所 畢赴任開寶三年就命為西川轉運副使蜀民懷其 月るまし 卷二百七十

至有聲每視事自旦至暮或通夕斷決如流無有凝滞 傳征南唐命克讓知昇州行府昇州平就知州事兼水 手寫經籍盈於篋笥多収圖書墨跡歷官廉謹幹局所 廣州俄兼轉運市舶使明年卒年六十九克讓少好學 率其屯兵至泉州與王明王文寶共討平之四年徒知 部郎中知大名府會錢俶陳洪進來歸疆土以克讓為 浙西南路轉運使泉州民嘯聚為盜克讓在福州即 計度轉運使事加兵部員外郎太平與國初就加刑

灾至日本人

宋史

希関弟希甫淳化三年進士至屯田員外郎從子日宣 史一歷耳軟不能忘屬文善紙尺趙普守西洛府中機 士第日華都官員外郎日嚴職方員外郎日休殿中死 三十九有集二十卷自教三子日華日嚴日休皆登進 張齊賢李沈薛惟古張茂宗繼領府事皆優待之卒年 疏皆希閔所為將奏署本府掾固辭不受普優加給贍 當時稱為能吏子希関字無間生而失明令諸弟讀經

正屋在書

卷二百七十

亦登進士第

商等州觀察支使劉繼動節制同州辟為掌書記繼勲 侍養奉章入真改國子四門博士賜緋開運初出為華 希 堯晉祖鎮太原辟為從事與桑維翰同幕府晉有天 下希堯累歷清顯思恭以門陰奏署鎮國軍節度使官 朝會契丹入汴軍士證課請立思恭為州帥思恭諭 福中希堯任棣州刺史兼權鹽攀制置使思恭解官 福拒而弗從乃止漢祖建國授左補關隱帝時些

1. 15 W

宋史

段思恭澤州晉城人曾祖約定州司戸祖昶神山令父

先登者厚賞於是諸軍賈勇大敗賊思恭矯詔以上供 率屯兵與賊戰彭山軍人皆觀望無關志思恭募軍士 令遷金部即中乾德初平蜀通判着州時亡命集衆攻 賜金紫丁外艱服闋拜左司員外郎建隆二年除開封 勧 州城刺史趙廷進懼不能敵将奔嘉州思恭止之因 則災害不生望令諸州速决重刑無致淹濫必召和 編所山川思恭上言赦過宥罪議獄緩刑苟獄訟平 從之歷度支駕部周顯德中定濱州田賦世宗嘉之 巻二百七十

業言靈州非衛霍名將鎮撫之不可汝其往哉思恭曰 之失終撫夷落訪求民病悉條奏免之俄而回鹘入貢 臣奉詔而往必能治之帝壯之賜窄衣金帶錢二百萬 自靈州舉宗來朝帝以思恭代知州事仍語之曰馮繼 州事丁母憂起復俄召為考功郎中知泗州會馮繼業 以塗涉諸部令别齎金帛以遺之思恭下車矯繼業

錢帛給之後度支請按其罪太祖憐其果幹不許令知

路出靈州交易於市思恭遣吏市码砂吏爭直與之競

造器又安以貢奉為名賤市狨毛虎皮為馬飾為通判 久之遷右諫議大夫知楊州朝廷方經界江表命思恭 自隨驛書自京師來者令齎至其所事多稽滯因與通 思恭釋吏械其使數日貰之使還愬其主復遣使齋牒 勧 了李岩相告計韶以屬吏思恭解不直責授太常少卿 知宿州太宗即位遷將作監知秦州坐擅借官庫銀 靈州問故思恭理屈不報自是數年回鶻不復朝貢 沿江巡檢每出巡委州事於通判以牌印皷角金鉦 埞 匹庫全書/ 卷二百七十

侯陟淄州長山人漢末舉明經問廣順初試校書郎為 西 卒年七十三思恭以門資歷顯官不知書無學術然踐 判官從子惟幾第進士仕至兵部員外郎 更吏事所至亦著勤績子惟一至太常博士三司度支 夫二年知壽州端拱初遷給事中尋知陝州淳化三年 少府監雍熙元年南郊畢表乞復舊官再為右諫議大 州回鶻國信使判官還補雷澤主簿司門員外郎姚 末史

王廷範所發降授少府少監知那州太平興國六年遷

郎六年權判吏部銓俄賜金紫十二月詔與戸部員外 使賜維衣黑銀帶遷右補闕乾德三年就改侍御史明 節度袁彦頗為不法陟抗章言之彦上表謝自陳無罪 改度支員外郎依前充判官開寶五年復為左司員外 年入為左司員外郎度支判官朝議欲以本官領省事 隆初為寬句令以清幹聞二年擢為左拾遺仍知縣事 忽凡四薦陟為襄城令汝州防禦判官濮陽襄邑令建 祖亦不窮治四年令兼領本縣屯兵俄改淮南轉運 匹庫全書

令上急變求見陟時被病令掖入即大言曰南唐平 方議休兵以為後圖陟適從楊州來知金陵危甚多遜 金陵防以所部敗南唐軍干人於宣化城俄為部下 知制語王祐等同知貢舉未鎖宿出知揚州會出師 夕陛下柰何欲班師願急取之臣若誤陛下願夷 其畫計時江表未拔大祖厭兵南土暑熾軍卒疫死 上屏左右召升殿問狀遂寢前議並赦陟罪復知吏 訟追赴關防度理窮乃求哀盧多遜多遜素與防善

為河北轉運使征太原為太原東路轉運使駕還次鎮 部選事太平與國初遷戶部郎中俄而選人有妄冒事 年卒贈工部尚書陟有吏幹性狡獪好進善事權貴巧 中七年三司使王仁贍左降以陟與王明同判三司八 言其短至是普再入相陟頗憂悉六年南郊畢加給事 州命先還上都供頓軍需以功遷左諫議大夫權御史 發詞涉於時南曹雷德驤將奏劾之陟造便殿自首出 飲定四庫全書, 丞事五年同知貢舉開寶末趙普在中書防當上疏

於京兆辟符在幕府表為京兆府戸曹掾歷郿縣主簿 李符字德昌大名内黄人漢乾祐中郭從義討趙思綰 保義軍節度推官丁內艱服除調汝州防禦判官權 上怒亟令克讓出典郡其險設如此 自言上許以大用多市白金作飲器以自奉臣頗怪之 きも

中傷人太祖嘗召刑部郎中楊克讓命坐與語且諭以

大用防素忌克讓負知之因奏事上問識楊克讓

曰臣與克讓甚善知其人才誠朝廷佳士也近聞其

末史

符 給其役太祖欲幸西京有事於南郊符上書陳八難曰 金紫符又建議鑿橫江河以通漕運發河州三縣丁壯 州事右庶子楊恪薦為大理正乾德中知歸州轉運司 稱肯選起居即後荆湖轉運許仲宣隨軍討南唐詔 赴荆湖調發多糧行領船數千艘順流而下事畢賜 置歸朝以京西諸州錢帛不登選知京西南面轉運 **奏便宜百餘條凡四十八事命著為令賜緋魚因奏**

歃

定四庫全書

卷二百七十

京邑凋弊一也宮闕不備二也郊廟未修三也百司不

最罷職守本官七年春開封尹秦王廷美出守西京以 三千兩車駕幸大名領行在三司未幾坐與官屬競課 **銓兼大理寺理三司副使范旻得罪以符代之賜白金** 钦定四車全書一 任有善政民為立生祠五年召為右諫議大夫判吏部 轉運使二年符圖海外諸城及嶺外花木各一以獻 千乘萬騎盛暑扈行八也不從禮畢還京改比部員外 具四也畿内民困五也軍食不充六也壁壘未設七也 判刑部太平與國初選駕部轉祠部即中知廣州兼 宋史! 在

夫

其明黨從符嶺表普移行知春州至郡歲餘卒年五十 符贬德超為福密副使屢稱其冤會德超以事販帝惡 之普不答先是太宗尹京符因宋琪薦弭德超事藩邸 司馬盧多遜貶崖州也符白普曰珠崖雖遠在海中而 言廷美在西洛非便恐有他變宜遷遠郡以絕人望遂 符知開封府廷美事發太宗令歸第省過趙普令符上 水土頗善春州稍近瘴氣甚毒至者必死願徙多遜處 有房陵之貶普恐泄言坐符用刑不當貶寧國軍行軍

世宗嘉其明慎歷頓邱冠氏元城三縣令世宗即位改 下未一用武之際籍鄉幹事勿固辭也未幾出監明靈 參軍有盗五人獄具不疑其冤緩之不數日果獲直 魏丕字齊物相州人頗涉學問周世宗鎮澶淵辟司法 至道二年郊祀追復右諫議大夫祥符五年錄其子璜 班殿直自陳本以儒進願受本資官世宗曰方今天 將作監主簿 2. 15 W

たこう

宋史

九符無文學有吏幹好希人主意以求進用終以此敗

柳器械無不精辦舊床子弩射止七百步令丕增造 |告軍世宗征淮甸丕獲江南謀者四人部送行在詔獎 開寶九年領代州刺史凡典工作十餘年討澤潞維 之賜錢十萬遷供奉官供備庫副使太祖即 荆廣收川峽征河東平江南太祖皆先期諭古今修 久積弊爾為我修整之丕在職盡力以久次轉正使 使時楊承信帥河中或言其反側未安命丕賜承信 灾 禮 四月全建 (物陰察之還言其無狀太祖當召對語丕曰 位改作

還朝召對便坐賜御書急就章朱邱集不退作歌以獻 喪者均給之太祖幸洛郊祀三司使王仁贍議雇民車 因自述願授臺省之職太宗面諭曰知卿本儒生然清 郝正為戶部使端拱初遷度支使是冬出為黃州刺史 少壮者二千餘分為遇鋪輸之時以為便雍熙四年代 牛運法物太祖以勞民不悅召丕議之丕請棟本坊匠 舍衢中收僦直及鬻死馬骨歲得錢七千餘緣工匠有 千步及改繡衣鹵簿亦專敕丕裁製丕撒本坊舊屋為

次足日華 红 社 一一一一一

宋史

|咸平二年卒年八十一丕好歌詩頗與士大夫遊接有 禁卒至是韶左右街各募卒千人優以虞給使傳呼 将軍仍領汝州刺史俄判金吾街仗初六街巡警皆用 望官奉給不若刺史之優也淳化初改汝州刺史歷知 召還屢求退居西洛不許四年表求致仕授左武衞 五年改領郢州刺史俄改領復州遷左驍衛大將軍 不以新募卒引對遂分四營營設五都一如禁兵之 改襄州境内久旱丕以誠禱之一夕雨沾足明

遷主客員外郎上書請伐蜀蜀平通判劍州會全師 實佐晉天福中為左拾遺知樞密院表奏周廣順初為 南平遷沒儀令恭帝即位遷殿中侍御史太祖乾德初 左補闕世宗即位詔常參官各奏封事樞上平吳策淮 董樞真定元氏人後唐太清中以獻書授校書郎累歷 時稱南唐主李煜妻卒遣丕充吊祭使且使觀其意趣 煜邀丕登昇元閣賦詩丕有朝宗海浪拱星辰之句以 動之太宗當賜詩令丕與柴禹錫和馬

大己日 · · · ·

宋史

舉伐銀令樞率兵超連口克之改兵部郎中權知連州 當貢西代計遷比部郎中三年出兼桂陽監使上書請 方略會劉銀命內侍曾居實侵桂陽樞擊退之三年大 伐廣南詔益桂陽戍卒三千令樞統之開寶二年又上 賊 與賊通會中使自成都還備言其事太祖並召之庭 攻劒刺史張仁謙足疾不能戰欲棄城走樞固爭戰 曲直仁謙遂屈下御史臺鞫之點宋州教練使以樞 敗之因招餘衆降仁謙飲樞令醉客殺降數百証奏 四月石三

侃至月餘奏瑜在任累月得羨銀數千斤雖送官而 第歷州縣及升朝蒞桂陽歲滿以太子洗馬趙瑜代之 具數聞計樞與磷隱沒可知矣詔下御史案之獄具有 瑜趙州人家世豪右自言語練邊事開寶中命為易州 以左賛善大夫孔璘代之璘通三禮嘗講學於河朔 兼行營招撫使嶺南平賜錢三百萬四年移知襄州又)判歲滿移桂陽瑜至即稱疾遂以著作郎張侃代之 河北轉運使改判西京留司御史臺初樞罷桂陽監

宋史

高 耳 而 獨章若其自誣以據人之死古人何 所宜蘇曉銳意深刻樂致人罪後嗣衰謝厥報不誣 允閒趙逢果斷之士而獨尚嚴酷處之要密之職 曰顔 許 樞 防陳逆順以鋒臣節體明慎而完疑 盗贓法俱當死太祖曰趙瑜 璘並坐死瑜決杖流海島罹侃為屯田員外郎 四庫全書/ 衎 振舉風憲不避彊禦劇可久居廷尉之任 卷二百七十 非自盗但不能發摘 **獄治迹清操没** 加馬馮瓚省 則 關

之苛賦設方略以擊賊功若可稱而巧官任數竟致

쉾

定


一盗之微抹楊承信之誣善尤可稱董樞論平吳伐蜀及 才適用患在忮刻李符博通時務乃事深文以致投荒 蹈 自弊遂為口實魏丕久典工效以濟戎用至於平反宽 明累參戎事預立戰功至若開諭元福止其暴誅此赴 亦可矣然不能動遵規矩速訟左降者再馬侯陟吏 之仁也段思恭遏亂兵擊羣寇便宜從事以著奇績 幹稱然仲宣寬簡持重造次不撓蓋人之難能者王

3

). 1. IV

宋史

敗理固然矣邊瑚王明許仲宣楊克讓當官效用以





録監生臣

録監生 臣

師曾

校對官無吉士臣

陳崇

| 欽定四庫全書

白竹野要 史部

詳校官編修正王天禄

決 足 日 車 A Man I 欽定四庫全書管要卷五千八百九十九史部 宋史卷二百七十 張藏英 蔡審廷 馬令琮 王晉卿 傳第三十 元中書右丞 郭廷謂從子延濟 陸萬友 周廣 杜漢薇 相 宋史 總裁 張廷翰 解暉 張 動 澤 托克托等修 趙延進 李韜 吳虔裕 石曦

馬令琮本名令威避周祖名改之大名人父全節五代 輔 超

月白言

卷二百七十一

左僕射領勤州刺史令琮少善騎射當從其父平安 皆署令 孫為牙校累授彰德牙內都指揮使檢校尚書 史有傳全節歷橫海定遠昭義彰德定武天雄六節度 與鎮州安重荣戰皆有功由是知名晉開運二年全

|節卒令琮起復拜隰州刺史漢祖開國為西京巡檢使

祖受命改陳州刺史征兖州為京城四門外巡檢

宗嗣位移隨州顯德二年入為虎捷左第一軍都指揮 夜 其子延恩為殿直 六年兼領建州刺史太祖即位出刺懷州李筠叛 又充先鋒都指揮使澤潞平為昭義兵馬鈴轄瑜 供億大軍不可移他郡故升懷州為團練以令琮 征召三司張美餉兵食美言河内密邇上黨令琮 ?) 儲蓄以俟王師太祖善之命授團練使執政言令琮 詔許歸郡乾德元年卒年三十九太祖甚憐之 Ď A Alla I 末史 銯 E

膂力善騎射年十七仕後唐武皇為廳直隊長天成中 二年以所部戊深州破契丹於樂壽殺獲甚衆漢初 全生禽指揮使孫厚以功遷與順指揮使八年從征鎮 累遷護聖軍使晉天福六年與慕容鄴等討安州李金 安重榮改護聖指揮使贈阿孫為左對善大夫開運 觀者壮之又率所部成鎮州破契丹於靈壽獲車馬 漢藏京兆長安人父阿孫為太原威勝軍使漢藏有 周討杜重威於鄰屢為流矢所中身被重創猶 力

月白雪

為未幾卒 甚眾周世宗征劉崇漢徽有戰功補龍捷左第五軍都 改領潮州從平李筠又從平李重進錄功居多建隆二 本軍左第四軍都虞候宋初補本軍都校領茂州刺史 虞候移所部屯安平縣破契丹於縣南獲器甲車帳遷 以符印授通判宋鸞請告歸京家人勸其求醫藥漢 曰我在我行四十年大小百餘戰不死幸矣安用藥 出為天長軍使移雄武軍使知屯田事是冬被病即

宋史

其 署其黨何行通為刺史契丹主道殂州人共殺行通推 慷 市為政寬厚簡易民甚愛之周廣順初召赴關周祖見 貌題偉謂樞密使王峻曰冀州近邊雖更擇人亦無 翰知州事漢初就拜刺史廷翰盡捕殺行通者戮於 校其後刺史李沖署為本州牢城軍校契丹入中原 廷翰冀州信都人父慎圖任周為兵部郎中廷翰少 坑 有智略善騎射晉天福中冀州刺史張建武召 月五十二 卷二百七十一 補

瑜廷翰者即日遣還在郡八年契丹将高年翰數擾邊

吳虔裕許州許田人父藏左屯衛将軍虔裕少為郡吏 善馬常得數百匹貢獻外悉遺實近甚獲美譽顯德中 歷冀亳二州乾德二年卒年四十七 皆為廷翰擊走廷翰家富於財歲遣人齊金帛北入市 歷棣海沂三州團練使屢率兵敗淮人移萊州宋初又

遣虔裕率兵巡護隱帝即位召為宣癥北院使周祖討

宋史

開國擢為引進使轉內客省使時鎮州節度劉在明卒

漢祖鎮許愛其精謹署以右職及移鎮太原以虔裕從

禦周 離 橋殺傷大半師還賜襲衣玉帶會樞密使楊が上言求 李守貞出兵五千餘設梯橋分五路於長連城西北以 非 三叛以虔裕為河中行營都監率護聖諸軍五千以 可久處俾後來者选居可也使還以白帝帝怒出虔 而為此請耶使至而虔裕在坐即賜言曰機要重地 職隱帝遣人諭邠曰樞機之任非卿不可卿何聽問 埞 祖周祖令虔裕率大軍横擊之浦人敗走奪其梯 匹庫全書 | 巻二百七十一 往

遷右千牛衛上將軍仍判左街仗事虔裕掌金吾三十 年端拱初卒年八十八贈太尉虔裕性簡率言多輕 州及留子陂戰敗遂降周祖廣順初遣還賜以襲衣 右金吾上將軍王彦超告老虔裕語人曰我經僵仆 右衛左金吾衛二大將軍兼街仗使太平與國六年 帶鞍勒馬從周祖討慕容彦超破之改汝州防禦使

從遊宴太宗憐其壽高常慰撫之子延彬至儀鑾副使

陷下斷不學王彦超七十致仕人傳笑之每朝會及

2)

1. 15

宋史

彬子仁美至内殿崇班 灾 戽 生書 卷. 二百七十一

蔡審廷磁州武安人曾祖凝那 三冶使父颙洺州長史審廷少能騎射晉初應募補 世宗戰高平有功遷軍使太祖為殿前都點檢 都 頭周顯德初雅為殿前散員轉鐵騎副兵馬使 111 別駕祖館武安遠城

聖

從

初

傷足帝賜以良藥美酒及車駕還京幸其官署問之賜

為牙校漢初授供奉官未幾擢左千牛衛将軍問祖命 中領當州刺史兼內外馬步軍副都軍頭乾德初授其 剱命為鎮州兵馬都鈴轄開寶八年卒年六十九 周廣字大均其先應州神武川人父密事晉歷鄜延晉 欠已ョ 鎮節度使周廣順初至太子太師致任廣幼從其父 刺史征太原時為北面步軍都指揮使屯兵易州審 訓練士卒甚整太祖過鎮陽見於行在所賜名馬寶 A ALIA IN 宋史

Þ

齊甚厚尋轉內殿直都虞候俄改伴飯都指揮使建隆

世宗征 右武衞将軍俄改右神武將軍充鎮淮軍兵馬都監從 刺史宋初授照州刺史乾德三年遷潘州團練使令 因領常州刺史兼内外馬步軍都軍頭 討慕容彦超於兖州以廣為行營都監賊平錄功遇 署師還加內外馬步軍副都軍頭六年改右屯衛 雄武諸營開寶二年從征太原為攻城樓櫓戰 淮南既得江北數州即命廣勞來安集民甚德 淮南平改着

卷二百七十一

大将軍領郡如故太平與國二年卒

州未幾李重進叛又詔與石守信李處耘先率兵進討 敗筠衆於太行破澤州皆預有功太祖還京命權知許 檢 栢 業山岩目中流矢遷内園副使及征瀛莫以為覇州 馬都監初征李筠敷從石守信董前軍拔大會告及 光州軍充內外巡檢後攻黃州敗吳人於麻城復破 E 因採光州機事聞于朝廷即命勲率兵同討平之遂 Le dus III 宋史

張勲河南洛陽人晉開運中事留守景延廣為典容延

表為供奉官周世宗将征淮南以熟為申州緣淮巡

每 石 11: 桂 拔 陽監 神 踬 都 揚 111 八太 攻 武 破城邑但揚言曰且 民皆涕泣 監 州 荆 将軍歷漢至周為右武)计] 祖甚憐之錄其子廷敏為殿直熟性殘忍好 以熟為刺史兼監使五年代歸至揚 以熟為兵馬都監遷遭殺使討朗陵充前軍兵 太原人晉祖弟韓 湖平以 一相謂 功就 曰張且斬至矣吾輩何以安乎 拜衡州 -斬 頗 王暉之子天福中 衞 刺史乾德初克彬 有横羅鋒 左神 武二將軍恭帝 刀者将 州卒年六 以艤 赴 111 衡 為 及

).

17.

卷二百七十

111 軍 ப 即 人太祖征晉曦領兵二千人自澤路除道至太原壅 羽 将軍戴交充使建隆三年再使高麗遷左驍衛大将 位初為左衛將軍會高麗王昭加恩命議副左驍 護秦州屯兵西人犯邊議率所領擊破之斬渠 倉 灌 林 轄 大将軍連知孟襄二州遷領誠州刺史雍 諸洞蠻寇俘馘數千人太平與國中歷右神 其城又益兵千人部攻遼州俄 開寶八年領兵敗南唐軍二千餘于袁州平 知 雄 州代為潭 巸 帥 梅 武

). J.] 🖤

永史

等 賊 年 張藏英涿州范陽人自言唐相嘉貞之後唐末舉族為 釭 軍 市引佩刀刺之不死為吏所執節帥趙德釣壮之 團 孫居道所害藏英年十七僅以身免後逢居道於豳 察知之與侯延濟定計禽廷山以獻錄其功加領 改 埞 知覇 練使同知鎮州淳化二年移原州遷右龍武軍大 被病請告詔特給全奉四年卒年七十四開賻 庫全書| 州兼部署會陳廷山謀以平成軍叛入北邊 巻二百七十一 本 力口

而 餘 用為盧臺軍使兼推鹽削置使領坊州刺史周廣順 首 道於前號泣鞭之臠其肉經三日勢其心以祭即 率內外親屬并所部兵千餘人及煮鹽戶長幼七千 仆於地醫其耳戰之遂禽歸設父母位陳酒肴縛居 都 不問以補牙職藏英後聞居道避地關南乃求為關 口牛馬萬計舟數百艘航海歸周至滄州刺史李暉 官為上請而釋之燕薊問目為報等張孝子契丹 巡檢使至則微服攜鐵楊匿居道舍側伺其出擊 詣官

置岩及誘境上亡命者以隸軍願為主將得便宜討擊 萬絹百匹銀器鞍勒馬數月世宗即位授德州刺史未 VZ 欽 間周祖頗疑之今館於封禪寺俄賜襲衣銀帶錢十 召歸 定四庫全書 對便殿詢以備邊之策職英請於深州李晏口 巻二百七十

度王彦超巡邊為契丹所圍藏英率新募兵馳往擊之

轉戰十餘里契丹解去改濮州刺史仍領邊任契丹將

英遂築城李晏口累月募得勁兵數千人會遣鳳翔節

世宗悉從之以為緣邊招收都指揮使賜名馬金帶職

高年翰以精騎數千擾邊藏英逆擊於胡盧河北自旦 年六十九孫 斌遂解去世宗降團書褒美征瓦橋關為先鋒都指 敗 晡 初遷瀛州團練使并護關南軍建隆三年卒於治所 縣之北藏英率麾下擊之自辰至申士皆殊死戰內 殺傷甚衆值暮收兵契丹通去後因領兵巡樂壽 契丹騎數百於關北下固安縣又改關南排陣使 幽 州驍将姚内斌負知藏英兵少以精騎二千陣 鑑自有傳

2. d.m |

宋史

7

使 鶴 陸萬友蔚州靈邱人少隸太原為神校漢祖起義擢為 궲 乾德四年改汝州開寶中討南唐造舟于采石磯 恭帝嗣位出為安州 右廂 聖拈 之起兵也萬友預謀及踐作擢為散員都指揮使 州刺史世宗嗣位遷龍捷左第三軍都指揮使轉 定四月全 11 命萬友守之江南平為和州防禦使太宗嗣 都 揮 校領虔州 使隱帝即位出為天雄軍馬軍都指揮使 團練使改虎捷右廂 防禦使宋初歷沂 靳二州防禦 領 閬州 防 位 バ 禦 控 領 周

猛暴以武勇自任所至無善政太宗以其勲售思遇不 詔 将軍充河陰兵馬都監逾年卒年七十三萬友始業 聘其次女為許王夫人 **鏝既貴達不忘本以銀為巧鏝器數千事示子孫性** 暉沼州臨洺人父珪應募為州兵後唐天成中西征 知瀛州在郡二年政務茍簡雍熙二年改右監門衞 石州都巡檢使俄兼知石州移巡警鳳翔秦隴代歸

<u>ج</u>

Z1 ALIO | |

宋史

土

晉絳等州都巡檢使帝征太原克汾石二州以萬友

密使王峻等往援之暉率敢死士三十餘夜入契丹帳 軍 獲甚眾暉頻中流矢而督戰自若顏色不撓以功遷本 晉師逆戰大破之暉募軍中壮士百餘人夜擣賊壘殺 軍 馬門與契丹接戰斬首七級獲酋長一人以功選奉國 剱門没於陣暉少有勇力以父死戎事得隸兵籍戍 隊長晉天福中安重榮反鎮州因舉兵向闕至宋城 贞 列校周廣順初劉崇與契丹侵晉州暉從都部署樞 1年人日 丁丁二 卷二百七十一

擊之殺獲甚衆遷本軍第五指揮使從世宗征淮南率

步軍都軍頭從征澤州力戰目中流矢師還策勲為内 擢 外馬步軍副都軍頭建隆四年充湖廣道行營前軍戰 乾德六年詔領所部軍屯上黨從李繼勲署太原開寶 部下黃州禽刺史高弱遷虎捷第一軍都虞候宋初 率舟師討平之生禽從志及將校十四人俘斬數 指揮使潭州平降璽書獎諭偽統軍黃從志據岳 死者衆改控鶴右第二軍都指揮使領高州刺史

2

į

J. J., 1

宋史

破太原軍於境上斬首千餘級獲馬三十匹改均

|告老改右千牛衛上将軍致任詔未至而卒年八十 行營分攻太原劉繼元降太宗以太原宮女三人賜 名威勝軍以暉為軍使從征井 獻于行在 刺史太平興國二年詔於潞州 部先下隆州殺幷州三百餘禽招討使李詢等六 以功遷本州團練使知覇州雍熙初充雲應寰朔忻 埞 四庫全書 1 都巡檢使三年代歸本郡淳化二年被病上章 所 賜子有加復令與彦贇督戰士隸城 州與尚食使石彦暫率 北 亂 柳 石圍中築城

見火發知賊縣至惶怖失據客省使間晉卿率左右數 搞軍留韜城下時營冊未備李守貞乘虚來襲營中忽 李韜河朔人有勇力膽氣善用稍為禁軍隊長周祖征 殿崇班閤門祗候 甚易由是頻立戰功金創編體時稱驍將子守顒至内 人遇韜於月城側謂韜曰事急矣城中人悉被黃紙 叛韜從白文珂攻河中兵傅其城文珂夜詣問祖議

熱猛木強每受詔征伐常身先之人所憚者暉視之若

由 卒 之守貞自是閉壘不敢出俄驍将王三鐵降城遂平韜 鹊 憤怒曰豈有食君禄而不為國致死耶即援稍而進軍 王晉鄉河朔人少勇敢為鄉里所推問世宗在澶淵晉 甲為火光所照色俱白此殊易辨奈軍士無關志何韜 此知名累遷軍校出為趙州刺史移慈州乾德六年 刺之洞胸而墜又連殺數十人蒲軍遂潰因擊大破 死士十餘輩隨韜犯賊鋒蒲有猛將躍馬持戈擬韜 匹库全書 | 卷二百七十一

釤

定

都 帝 時 德四年為龍捷右第一軍都 有遺漏自是雖劇賊無敢窺其境然以賄聞太祖 監督戰有功詔權控鶴都虞候克關南授軍器庫 平征淮甸每遣宣傳密古甚親信之泊北征為先鋒 以武藝求見得隸帳下及即位補東頭供奉官從戰 而不問秩滿歸 蜀 位出為濱州刺史乾德中為與州刺史四年移漢 初平寇盜充斤晉卿嚴武備設方畧禽捕剪減 闕 以疾求頤養改左監門衛將 指揮使領彭州刺史恭 惜

末も

当

察使廷謂幼好學工書善騎射補殿前承古改豪州中 州監軍周世宗攻淮右南人屢敗城中甚恐廷謂與州 之也未幾韶戍北邊疆場清肅開寶四年復授莫州刺 在那謹斥候善撫循士卒皆樂為之用邊民安堵六 使李景每令負中朝機事入奏全義卒擢莊宅使濠 廷謂字信臣徐州彭城人父全義仕南唐為濠州觀 朝請貢重錦十匹銀千兩以謝詔不納以其贖貨愧 定四庫全書 八月卒年六十七

守之廷謂語仁謙曰此濠壽之患也彼以騎士勝故 遣兵守之給日食俾製防城具隨其所習以故周師卒 將黃仁謙為固禦之計周師遣諜以鐵券及其壘廷謂 舟兵二千斷其橋屠其城直抵壽春仁謙初沮其議 於陸我以舟師銳故便於水今夏久雨淮流汎溢願 拒之城中負販之輩率不逞廷謂慮其亡逸籍置大寺 不得現城中虛實周師為浮梁渦口命張從恩焦繼勲

已從之即輕權銜杖抵其橋麾兵斷符悉焚之周師

宋史

<u>+</u>

巡檢應援兵馬都監及紫金山之戰南唐諸將多歸 兵萬餘泊卒五千日夕訓 保定遠又募壯士為負販狀入定遠負軍多寡及守 **如死者不可計焚其資糧而還以功授武殿使周** 拒之唯取良馬二百匹以獻以功為滁 之名還曰武行德周務勍也廷謂曰是可圖也又籍 大潰行德單騎脫走時有以玉帛子女的廷謂 練依山街校設伏以破之 州刺史上 師 淮

定匹庫全書 1

者獨廷謂以全軍還守濠州追不能及時濠守欲棄城

諸軍壘門之外南望大慟而降于周至山陽見世宗特 至是秋周師復至表於景請援且言周兵四臨乞畢蘇 加宴勞賜金帶襲衣良馬器四拜亳州防禦使以其弟 馬貸又為樓橋戰權左右廂都監俄歸熊郡宋初從征 州馬步都校廷讃為和州刺史命攻天長軍降其 以固鄰好夜出敢死士千餘襲周營焚頭車洞屋 蹂 避死者甚衆既而援兵不至周師急擊廷謂集 宋史 共

走廷謂止之俄加本州團練使繕戈甲治溝壘常若敵

華互擾間里廷謂悉除之開寶五年卒年五十四廷謂 鷂戸日獻 馮瓚知梓州為僕夫所訟召廷謂為靜江軍節度觀察 上黨再知亳州乾德二年代還改絳州防禦使兩川平 延澤 性恭謹事母以孝聞未嘗不束帶立侍子延濬廷謂兄 論任南唐為太子洗馬致仕宋初至秘書監廷諭子 後以代之州承舊政有莊宅戸車脚戶皆隸州将鷹 雉兎田獵戸歲入皮革又有鄉將都將鎮將

歃

定四庫全書

卷二百七十一

北分路按行諸州城壘發鎮兵葺之端拱二年詔建河 雍熙三年改崇儀使詔與翟守素田仁朗王繼思往河 費移文庫務未有專領之者乃置合同憑由應命延濟 與內職庫副使劉蒙正掌之又領八作司及督治汴河 方田命延睿等五人共往規畫會罷其務而止淳化 西北宣諭機事太平興國初以內庭宣索及殿前賜 州牙內都指揮使廷謂卒太祖錄延濬為供奉官屢

延濬字利川幼謙和初廷謂為靜江軍節度使延濬為

岩悉毀延濬募軍民葺之又率州帑以應軍須錄功改 鋒壕岩使即領兵倍道先進賊出探騎數十延濬悉禽 洛苑使又命率兵屯遂州劒門鈴轄轉運使劉錫言其 之盡得賊機事延濬易旗變號賊不知覺斬關掩入斬 四年李順亂改西京作坊使充成都十州都巡檢使時 餘級繼恩又請延濬知漢州州經兵燹解舍橋梁城 數千來躡其後擊破之王繼思率兵至以延落為先 埞 匹庫全書 | 将陷延濟單騎入城與郭載議募亡卒退保劒門

士咸平中求休退授虞部員外郎致仕居濠州城南有 皆條對稱古命為史館檢討歷國子周易博士國子博 大夫董元亨皆好學博通典籍詔宰相召問經史大義 欽定四庫全書 人 澤字德潤南唐試秘書省正字乾德中四選著作佐 門祗侯 轉殿中丞知建州淳化二年太宗聞延澤泊右赞善

勞詔書嘉獎真宗初改内園使代還會河朔用兵延浴

往邊城按視岩壘咸平二年疾卒子有倫為供奉官

節 進年十八屢當軍鋒景崇平延進奉捷奏以入授鳳 '范果韓不皆與之游景德初卒元亨亦至虞部員外 禮 延進澶州頓邱人父暉周太子太師暉為偏将時趙 嘗纘玄門碑誌三十卷 園 度未赴鎮王景崇據城反命暉為都招討使擊之延 延進獨持書數十編以歸同輩哂之漢末暉領鳳 爐 以自娱其該牡丹千餘首聚圖籍萬餘卷手自刊 鄴延進頗親學 書與軍中少年入民家競 取 翔

一家州兵馬鈴轄從征瓦橋關為隨駕金吾街仗使宋初 大校延進自陳好讀書不願也翼日授右千牛衛将軍 宗召見之時延進有從兄為虎捷都虞候帳前橫衝指 揮 命領牙兵千餘悉禽戮之詔書褒美丁外艱表求持服 榮州刺史睢陽有盜數百各立首帥為民患延進以父 牙内指揮使領貴州刺史暉徙宋州亦從為牙職改領 終喪周世宗征淮南延進獻萬練以助軍仍請對世 使世宗指延進語之曰爾弟拳勇有謀將授以禁軍

鉈

定四庫全書

九

害民田常興工修護延進累石為岸遂絕其患入為兩 要命為鈴轄同知州務蜀平專領郡事漢江水歲壞隄 武之大悅又令主城北諸洞子及班師命與孟元詩 使嘗詔督造職具八百期以半月延進八日成太宗 太平興國中大軍平井州討幽薊皆為攻城八作豪 願留得權判右金吾街仗使歷知河中府梓相青三 漳泉國信使開寶二年授右龍武将軍知靈州以母 右羽林軍将軍濠州都監會伐蜀以襄州當川路津 卷二百七十

兵八萬禦之賜陣圖分為八陣俾以從事師次蒲城遼 騎坐至延進乘高望之東西亘野不見其際翰等方按 一不捷則若之何延進曰儻有喪敗則延進獨當其責 之可以決勝違令而獲利不猶愈於辱國乎翰等曰萬 曰主上委吾等以邊事蓋期於克敵爾今敵衆若此而 布陣陣去各百步士衆疑懼畧無關志延進謂翰等 師星布其勢懸絕彼若持我将何以濟不如合而擊

文已日華 在 1

宋史

藥可瓊留屯定州遼人擾邊命延進與崔翰李繼隆将

大将軍出為高陽關平戎軍都監兼緣邊巡檢改鈴轄 於是改為二陣前後相副士衆皆喜三戰大破之獲人 及代吏民數千守關借留詔許留一年俄改右領軍 揚 街仗事至道二年拜右金吾衛大将軍咸平二年卒 牛羊鎧甲數十萬以功遷右監門衛大将軍知鎮 軍改知鄧州淳化初飛蝗不入境詔褒之還判右金 四周白雪 州召入授右屯衛大将軍從知相州遷右聽衛大 衞

年七十三贈右武衛上将軍延進姿狀秀整涉獵經中

應募隸澶州軍籍漢乾祐中趙思給據永與叛周祖護 士第至戸部郎中直昭文館 樓壞而入士卒繼進城遂陷以功補小校顯德中從 将討之督兵攻城超率驍勇十七人升雲梯斫 젪 顯德與國中頗任以腹心子 即太平與國二年登進 征淮南常執銳前驅定除四破淮陰下揚州以 忻州秀容人家世業農超少勇悍有力晉開運中 功

永史

作詩什士流以此多之延進妻即淑德皇后之妹

超 登 改 歃 位 欒 身 乘城中流矢者八復加厚賜大舉襲范陽分兵三 Ð 定四庫全書 111 騎副兵馬使宋初從平上黨再遷內直都知太宗 軍頭俄出補曹州馬步軍都指揮使領峯州刺史 被十三創帝嘉其勇賜錦袍銀帶帛五十段詰 以超為馬軍都軍頭會親征太原冒矢石攀堞先 将米信為田重進先鋒取飛狐蔚州遷馬步軍 召歸轉都軍頭淳化三年出為德州刺史坐 巻二百七十一 朝


奏使者殿殺驛吏責授右監門衛将軍領誠州刺史五

安 忠蓋驍果尤可稱者漢微之疾危辭藥職英之為親復 内 使真拜萊州團練使以年老願留京師從之景德元年 裕蔡審廷之徒數從征討咸有勞績馬若馬令琮守河 儲兵食以迎王師 其反側亦籍其威力以鎮撫四方故一時諸将吳虔 年七十七 曰太祖有天下凡五代之臣無不以恩信結之既以 解暉擊湖南冒鋒鏑以禽敵将此

えも

Ē

年復加都軍頭領澄州刺史真宗即位加領獎州團練



善騎射好吸獵所獲倍於人當謂其徒曰我他日為將 楊業幷州太原人父信為漢麟州刺史業幼倜儻任俠 次至日長 45 欽定四庫全書舊要卷五千九百史部 列傳第三十一 宋史卷二百七十二 楊業子延昭 曹光實從子克明 元中書右丞 等 相 宋史 總裁托克托等修 張 荆罕儒從孫 暉 司超 嗣

遣中使召見業大喜以為右領軍衛大將軍師還授鄭 而孤壘甚危業勸其主繼元降以保生聚繼元既降帝 用兵亦猶用鷹犬逐雉兎爾弱冠事劉崇為保衛指揮 部署帝密封索裝賜予甚厚會契丹入為門業領麾 刺史帝以業老於邊事復遷代州兼三交駐泊兵馬 國人號為無敵太宗征太原素聞其名嘗購求之既 以驍勇聞累遷至建雄軍節度使屢立戰功所向克

下數千騎自西京而出由小陘至鴈門北口南嚮背擊

年大兵北征以忠武軍節度使潘美為雲應路行營都 誇書斥言其短帝覽之皆不問封其奏以付業雍熙三 契丹望見業旌旗即引去主將成邊者多思之有潛上 之契丹大敗以功遷雲州觀察使仍判鄭州代州自是 未幾部遷四州之民於内地令美等以所部之兵該 師次桑乾河會曹彬之師不利諸路班師美等歸代 順州團練使劉文裕該其軍諸軍連拔雲應寰朔四 署命業副之以西上問門使蔚州刺史王佐軍器庫

1. 1.1.

直 益盛不可與戰朝廷止令取數州之民但領兵出大 之衆先出我師次應州契丹必來拒即令朔州民出城 路先遣人密告雲朔州守将俟大軍離代州日令雲 烏雅特哩袞領衆十餘萬復陷寰州業謂美等曰今遼兵 則 之時契丹國母蕭氏與其大臣耶律漢寧南北皮室及 入石碣谷遣強弩千人列於谷口以騎士援於中 如此但趨應門北川中皷行而往文裕亦贊成之業 三州之衆保萬全矣佐沮其議曰領數萬精兵而畏

四月全書

卷二百七十二

持陳家谷口曰諸君於此張步兵強弩為左右翼以援 殺寵以連帥授之兵柄非縱敵不擊蓋何其便将立尺 将行泣謂美曰此行必不利業太原降将分當死上不 令殺傷士卒而功不立今君責業以不死當為諸公先 曰不可此必敗之勢也仍曰君侯素號無敵今見敵逗 功以報國恩今諸君責業以避敵業當先死於敵因 不戰得非有他志乎業曰業非避死蓋時有未利徒

俟業轉戰至此即以步兵夾擊救之不然無遺類矣美

永史

業因太息曰上遇我厚期討賊捏邊以報而反為奸 臺望之以為契丹敗走欲爭其功即領兵離谷口美不 百人馬重傷不能進遂為契丹所擒其子延玉亦沒馬 迫致王師敗績何面目求活耶乃不食三日死帝聞 制乃緣交河西南行二十里俄間業敗即麾兵却走 帳下士力戰身被數十割士卒殆盡業猶手刃數十 力戰自午至幕果至谷口望見無人即 與先領麾下兵陣於谷口自寅至已先使人登托邏 四庫全書 1 二百七十二 拊膺大慟再 豆

埞

· 疾属有死不回求之古人何以加此是用特舉 微典以 在遺忠砚而有靈知我深意可贈太尉大同軍節度賜 察使楊業誠堅金石氣激風雲挺隴上之雄才本山西 之茂族自委戎乘式資戰功方提貌虎之師以効邊陸 用而羣帥敗約接兵不前獨以孙軍陷於沙漠勁果 ·痛惜甚俄下詔曰執干戈而衞社稷聞皷鼙而思將 盡力死敵立節邁倫不有追崇曷彰義烈故雲州觀

其家布帛千匹栗千石大将軍潘美降三官監軍王侁

2

1. 1.15

者皆流涕業既沒朝廷錄其子供奉官延朗為崇儀副 我俱死無益也可走還報天子衆皆感泣不肯去淄州 **罽業但挾續露坐治軍事傍不設火侍者殆僵仆而業** 有智謀練習攻戰與士卒同甘苦代北苦寒人多服氊 之敗麾下尚百餘人業謂曰汝等各有父母妻子與 然無寒色為政簡易御下有恩故士卒樂為之用朔 史王貴殺數十人矢盡遂死餘亦死無一生還者聞 名隸金州劉文裕除名隸登州業不知書忠烈武勇 匹属全書

檢 淮 奉 陣 使就加如京使咸平二年冬契丹擾邊延昭時在遂 南都巡檢使改崇儀使知定遠軍徒保州緣邊都巡 業嘗曰此兒類我每征行必以從太平興國中補 關益急以崇儀副使出知景州時江淮凶歉命為江 官業攻應朔延昭為其軍先鋒戰朔州城下流失貫 殿直 '次子殿直延浦延訓並為供奉官延環延貴延彬 昭本名延朗後改馬幼沉默寡言為兒時多戲為軍 供

文

E

車全套

兵 心危 城城小無備契丹攻之甚急長圍數日契丹每督戰衆 王曰延昭父業為前朝名将延昭治兵護塞有父風 仗甚衆以功拜莫州刺史時真宗駐大名傳潛握重 頓中山延昭與楊嗣石普屢請益兵以戰潛不許及 抵罪召延昭赴行在屢得對訪以邊要帝甚悅指示 水灌城上旦悉為水堅滑不可上契丹遂潰去獲其 懼延昭悉集城中丁肚登陴賦器甲馥守會大寒

卷二百七十二

深可嘉也厚贈遣還是冬契丹南侵延昭伏銳兵於羊

提 山西自北掩擊且戰且退及山西伏發契丹衆大敗獲 宥之六年夏契丹復侵望都繼宣逗過不進坐削 汀代還将治其罪帝曰嗣輩素以勇聞将收其後效 兵援之未成列為契丹所襲軍士多喪失命李繼宣 朕力為保庇以及於此五年契丹侵保州延昭與嗣 將 曰嗣及延昭並出疎外以忠勇自效朝中忌嫉者 **函首以獻進本州團練使與保州楊嗣並命帝謂**

復用延昭為都巡檢使時講防秋之策韶嗣及延昭

欴

定日華全書!

入不報乃率兵抵遼境破古城俘馘甚衆及請和真宗 北境千里人馬俱乏雖眾易敗凡有剽掠率在馬上願 仍會諸路兵将角追襲令魏能張凝田敏竒兵牽制之 上利害又從寧邊軍部署景德元年詔益延昭兵滿萬 人如契丹騎入寇則屯靜安軍之東令莫州部署石普 馬村西以馥屯田斷黑盧口萬年橋敵騎奔衝之路 諸軍扼其要路衆可強馬即幽易數州可襲而取奏 王超為都部署聽不隸屬延昭上言契丹頓澶淵去

智勇善戰所得奉賜悉為軍未嘗問家事出入騎從如 常遣小校周正治之頗為正所因因緣為姦帝知之斥 正還營而戒延昭馬大中祥符七年卒年五十七延昭 選邊州守臣御筆錄以示宰相命延昭知保州兼緣邊 校號令嚴明與士卒同甘苦遇敵必身先行陣克捷 功於下故人樂為用在邊防二十餘年契丹憚之目 巡檢使二年追敘守禦之勞進本州防禦使俄徙高 一副都部署在屯所九年延昭不達吏事軍中牒訴 Ř Þ

子文廣 多望柩而泣錄其三子官其常從門客亦試藝甄敘之 楊六郎及卒帝嗟悼之遣中使護櫬以歸河朔之人 定四庫全書/ 卷 二百七十二

文廣字仲容以班行討賊張海有功授殿直范仲淹宣 陕西與語奇之置麾下從狄青南征知德順軍為廣

撫

鈴轄知宜邕二州累遷左藏庫使帶御器械治平中

西

衛将英宗曰文廣名将後且有功過擢成州團

議宿 衛四廂都指揮使選與州防禦使秦鳳副

遺書曰當白國主以數萬精騎逐汝文廣遣将襲之斬 管韓琦使築篳篥城文廣聲言城噴珠率衆急趣篳篥 地彼若知而據之則未可圖也詔書褒諭賜襲衣帶馬 獲甚眾或問其故文廣曰先人有奪人之氣此必爭之 比暮至其所部分已定遲明敵騎大至知不可犯而去 人爭代州地界文廣獻陣圖并取幽燕策未報而卒贈 州觀察使 涇州鎮戎軍為定州路副都總管遷步軍都虞候遼

灾

足可華 全馬一人

張輦為羣盜晉天福中相率計范陽委質燕王趙延壽 荆罕儒冀州信都人父基王屋令罕儒少無頼與趙鳳 直 出為淄州刺史受詔從潘美北征攻沁州頗立戰功及 王貴者并州太原人廣順初補衛士宋初累遷至散員 數人遂遇害年七十三擢其子文晟供奉官文呈殿 楊業為遼兵所圍親射殺數十人天盡張空考又擊 指揮使馬步軍都軍頭領勝州刺史太平興國二年

控鶴弩手大劒直都指揮使從平淮南領光州刺史改 命為招收都指揮使會征太原命罕儒率步卒三千先 因 得掌親兵開運末延壽從契丹主德光入汴署罕儒密 敵境罕儒令人負束勢徑趨太原城焚其東門捏為 求驍勇士通事舍人李延傑以罕儒聞即召赴行 刺史漢初改山南東道行軍司馬周廣順初為率府 朝請貧不能振顯德初世宗戰高平戮不用命者

州為下蔡守禦都指揮使兼舒斯二州招安巡檢使

宋史

)

京土原劉鈞遣大將都貴超領萬餘衆襲罕儒黎明 冬復領千餘騎抵汾州城下焚其草市案兵以退夕次 年三月世宗幸泰州以罕儒為團練使賜金帶銀器 四年泰州初下真拜刺史兼海陵鹽城兩監屯田使明 敵當率騎深入晉境人多閉壁不出虜獲甚衆是年 馬六年春軍吏者艾指閥請留恭帝詔褒之建隆初 州防禦以罕儒為使改晉州兵馬鈴轄罕儒恃勇 库全書]

之罕儒遣都監氈毯副使閻彦進分兵以禦貴超罕儒

海之利歲入鉅萬詔聽十收其八用循不足家財入有 其死求殺罕儒者戮之太祖痛惜不已擢其子守勲為 揮使石進德等二十九人罕儒輕財好施在泰州有煑 殺十數人遂遇害劉鈞素畏罕儒之勇常欲生致及聞 錦袍裹甲據胡牀享士方割羊臂臑以啖聞彦進小却 西京武德副使因索京土原之不效命者黜慈州團練 王繼勲為率府率閻彦進為殿直斬其部下龍捷指 上馬麾兵徑犯賊鋒幷人攢戈舂之罕儒猶格關手 永と

立 力ロ 皆惜之罕儒兄延福延福 勇善戰不顧勝負常欲削平太原志未果而及於敗人 承 進士趙保雍登科覆落客游海陵军儒問其所 禮 召主藏奴令籍藏中絲得四千餘兩盡以與之然好 業之子罕儒曰我生平聞張特進名幸而識其子厚 出不問其數有供奉官張奉珪使泰州自言後唐 將 待遺錢五十萬米千斛军儒雖不知書好禮接 歸京師且言緣江榷務以絲易茗有厚利罕 猻 嗣 欲 保 儒

欽

定四庫全書

巻二百七十二

楊信領百人援之嗣預馬率先陷陣召見補御龍直太 夜來薄岩繼動選勇敢五百人接戰而嗣為冠及日戰 數合多所斬馘從太祖征太原賊來拒焚洞子遣殿前 甚衆業退保城進焚南門奪羊馬城矢集于面賊數千 賊退踰橋殺業所部兵干計射中業從騎獲旗鼓鎧甲 賊焚岩宵道進薄汾河賊将楊業扼橋路嗣與衆轉戰 勇百人間道截洛陽岩嗣出行間請行手斬五十餘級 嗣乾德初應募為控鶴卒從李繼勲討河東繼軟擇悍 末も

兵力戰奪路內侍有至州閱城壘者出那外敵進圍之 帶從征幽州隸殿前崔翰斬三十級補龍猛副指揮使 賊足貫雙箭中手破折二齒太宗見之亟召賜錦袍 **亟出兵接戰十數合斬騎卒七百餘嗣軍夜相失在** 五年契丹侵雄州據龍灣堤嗣隸袁繼忠繼忠令率千 與國初三遷至天武軍校太宗再征太原嗣自陳願 定匹庫全書 / 隊先登命主城西洞子車駕巡師嗣登城手刃數 卷二百七十二

莊外三皷突敵圍壁于莫州城下又領百人斧敵望

命嗣援之凡數戰始與雄武合隊因列陣格關復奪人 遷寇邊嗣從袁繼忠田欽祚戍三义口為前鋒斬賊千 檀斬五十級敵為橋界河将追嗣邀擊之殺獲甚衆六 馬七百餘欽祚夜還依山為營賊亦岩其下募勁卒五 年從崔彦進捍契丹于靜戎北岩于慎與口彦進遣嗣 餘賊復來請戰初以雄武千人為後殿為賊所掩繼忠 餘追之獲牛羊鎧甲弓矢數干計進至萬井口狐路谷| 所部度河與契丹戰敗之追奔二十餘里八年李繼

文 E D 巨 A MIS ■

明與戰不勝将退嗣謂之曰汝且屯兵於此為我聲援 敗投崖而下手斬百餘級散卒千餘在野嗣呵止之悉 進至飛狐城北遼将大鵬翼率眾復至重進陣壓東偏 境疾戰飛狐口遼師不利重進引全師合擊遼騎引去 十往襲之嗣為其帥抵賊所刺殺百餘人焚其砦而還 廷折答來降追至河槽復擊退餘衆七土嶺神將黃 戰不勝命嗣出西偏麾兵薄山崖以短兵接戰遼兵 賜錦袍銀帶雍熙三年從田重進譚廷美率師入遼 四月日明 廷美曰敵勢若此何可解也嗣曰請移全軍就平川植 治綰兵二千願問道以往邀其策應中夜匹馬詣廷美 擾重進召嗣合戰悉走之奪礙具鎧申賊乘夜復圍直 嗣屯馬數日遼人復致師重進與戰奔突往來大軍頗 我當奪此領遂力戰追奔五十餘里抵倉頭而還又領 今援師甚寡難以解圍重進頗憂之嗣曰譚師屯小 收卒千人克倉頭小治二岩黃明與戰克直谷告命 石門二岩重進遣嗣以精兵五百濟之嗣曰敵二萬

火

AND THE CO ALIO

|岩廷美許馬||日凡五七戰遼兵遂引去咸如嗣所 運頗乏嗣遣降卒輦州廩濟之遼援兵大至副都指 遠甚謂大軍繼至嗣自以所部五百疾驅往關必克其 旗立隊别擇三二百人張白旗於道側彼見旗幟綿亘 殺傷甚衆屢絕入城取守将之歸服者重進之壘糧 其實狀翌日将受降而敵反拒大軍所出之路遂與 州之降也重進先命嗣幸勇士數十人絕入見守将

使江謙妄言感衆嗣即斬之悉收兵殼輜重還重進岩

古城為敵所攻命嗣援之至唐河橋嗣扼橋路出戰解 戰俘獲甚眾又戰于鸞女祠繼隆遣步卒二千伏定州 虞候又從李繼隆禦敵於北平 岩将赴浦城道遇敵疾 與遼人轉戰時軍校五人其四悉關死至大貧嗣與戰 陣於東偏大敗之繼隆以聞詔嘉獎之選本軍都指 圍數重與伏兵合分為三隊背水為陣敵将于越率 走之師還太宗引見便殿重進言其有勞補本軍都 百餘隊臨烽臺求戰嗣整兵與戰數合得與繼隆會

欽

定四庫全書/八

巻二5ヒトニ

古

獲甚衆四年命嗣領萬人斷西山路會敵遠至大兵不 嗣 本 揮 屢出戰及桑對秦翰來接夜二鼓敵再至嗣曰彼 高陽命嗣以兵二千為殿過平敵城遼衆十餘萬來 州團練使出為郎山路都巡檢使破敵岩於蒲陰俘 夜戰我當破其岩以趣大軍即與贊翰合勢戒所部 州遼人入侵隸范廷召提偏師 使領澄州刺史至道二年加御前忠佐馬步軍頭屯 炬火多處井力衝之詰旦至瀛州咸平三年加 捍遼兵於嘉山廷召 領

殿崇班 方面經百五十餘戰殁兄子信貴並為左侍禁貴至内 車駕幸亳州留為舊城內同都巡檢使大中祥符七年 行在所會遼人請和復遣還任歷鄆州鳳翔永興部署 初又命與劉漢凝田思明率兵至冀州防邊俄赴澶州 及進而止五年真拜蔡州團練使趙州部署踰年徒滄 號州防禦使邠州環慶副部署卒嗣起行間以勞居 是冬遼人入侵命率所部自齊州抵淄青警備景德

た

2)

れ き

如也疇卒光實刷職遷永平軍節度管內捕盜遊変使 捍蠻夷光實少武勇有膽氣輕財好施不事細行意豁 曹光實雅州百丈人父睛為蜀靜南軍使控扼邛崍以 厚生書 卷二百七十二

棺梯光實請全斌具以事白誓雪冤憤時蜀中諸郡未

賊眾辟易不敢近賊殺其族三百餘口又發家墓壞其

夜奄至環其居鼓躁並進光實負其母揮戈突圍以出

忠樂者當羣行攻劫且憾光實殺其徒黨率衆數千中

乾德中太祖命王全斌等平蜀俄而盜賊羣起夷人張

州刺史及平交廣羣盗未息以光實為嶺南諸州都巡 俊也韶升殿勞問久之以為黎州刺史開寶三年改唐 使安集勞來蠻族懷之六年秋全斌遣入貢京師遂言 光實以所部盡平之遂以光實知黎雅二州兼都巡檢 境內安义乞罷義軍歸農太祖喜謂左右曰此蜀中傑 心馬全斌乃署光實為義軍都指揮使殘寇猶據沈黎 下之全斌壮其志令率兵先導果克其城獲忠樂而甘

And the state of the

宋史

去

下乃圖雅州地形要害兼陳用兵攻取之策請官軍先

遇敵迎擊敗之斬首數千級優詔嘉獎李繼捧之入朝 光實入告願提一旅奮銳先登帝曰資糧事重亦足宣 檢使既至捕逐羣盗海隅以寧太平與國二年就選本 團練使大軍北征與潘美分道出為門光實為前鋒 也河東平命為汾遼石沁等州都巡檢使五年改分 團練使車駕征河東以光實知威勝軍事今調軍食 京匹厚 在 i

致情好陳甥舅之禮期某日降於該蘆川光實信之且 泉破其族帳獲繼遷母妻及牛羊萬計繼遷僅免使人 光實曰我數奔北勢窘不能自存矣公許我降乎因

欲專其功不與人謀及期繼遷先設伏兵令十數人近 至其地舉手麾鞭而伏兵應之光實遂遇害卒年五十 迎致光實光實從數百騎往赴之繼遷前導北行將

宋史

克明字堯卿既生會敵攻百丈縣父光遠遇害姆抱克 殿内承制克廣至問門祗候從子克明

匹庫全書

明匿章蒲中得免既長喜兵法善騎射從父光實奇之 為衙内都虞候光實擊敵于設蘆川戰殁克明時該

光實令還軍銀州而潛與僕張貴入敵中獲光實尸以 輜重在後間光實死懼軍亂秘不發喪陽令人西來傳

/葬京師繇是顯名初蜀人留京師者禁不得還鄉

克明以母老問道歸李順反聞克明将家子且有名欲

克明又平之還軍叩州遇賊王珂戰于延貢鎮擊以矛 權 雲 七岩以邀賊復收雅州斬六十餘人賊将何承禄等走 既覺而去賊果至及賊陷雅州克明募衆數萬人以迎 南蜀平擢西頭供奉官黎州兵馬監押以餘寇未息 左踝後又設伏山下以數十騎與賊接戰克明偽北 師遂復名山火井夾門等九縣分兵嘉眉邛三州立| 至日華 全書一 州 駐泊巡檢明年峽路潰卒鄧紹等復起攻雅州 宋史

脅以官克明将母道山谷夜止神祠中夢有人叱之起

鬱江暴漲州城摧圯克明率丁夫伐木為連舫維之水 弓三發斃三人由是獲免入朝改內殿崇班為温台等 斬其首領陸木前梟于市宜州澄海軍校陳進反時 所部失期伏不發克明挺身走賊追急乃倚大石引 洪峒恃險不至克明諭兩江防遏使黃衆盈引兵攻 左右江蠻洞三十六克明召其酋長諭以恩信是歲 天節相率來集克明慰拊出衣服遺之感泣而去獨 都巡檢使景德中蠻寇邑州改供備庫副使知色 卷二百七十二

趙 勇者釋縛使還捕其黨前後獲千餘人知江寧府張 募溪峒兵三千而黄衆盈亦濟兵千五百将趣象州會 以其事間賜錢四十萬領平州刺史知辰州撫水蠻 古賜一子官遷供備庫使江淮兩浙都大提舉捉賊 撫使曹利用約克明會兵行次貴州遇賊大敗之斬 明使人捕賊報出私錢資之以故人人盡力視賊中 四百餘級賊平利用專其功代還真宗問南方事對

宋史

狀如邪郭又多張旗幟浮巨代陳兵其上為守禦備

是年冬安撫都監王文慶馬玉出天河岩東克明與中 い人乃 人楊守珍出環州樟嶺西磴道危絕林木深阻蠻多伏 使 從宜融桂昭柳象邕欽廉白十州都巡檢使兼安撫 以待玉所向力戰屢敗蠻軍是時朝廷意在招附數 不死克明日何以驗之日請試以鷄犬克明日當試 既至蠻酋獻藥一器回谿峒藥藥箭中人以是解之 克明而克明亦憚深入屢移文止王王至如門 月在主 取藥箭刺酋股而飲以藥即 卷二百七十二 死羣蠻慙懼而去

州卒 為蠻所扼不得進克明遷延顧望月餘乃至撫水州與 覆茅為屋歲多火克明選北軍教以陷及又激江水 以文思使復知邕州既至遣人入交趾諭以利害公 拜表謝罪遷西上問門使歷知登舒邵三州復徒鼎 以防火災代還知除州徒鼎州會交处李公總寇邑 州蒙承貴等約盟而還未幾知桂州兼管勾溪峒公 始置溪峒司又奏閱廣南兩路土軍為忠敢軍州人

氽史

幸

祐 順 遁 領 張 暉 刺史三年吏民請關舉留俄改與州會詔築李晏口 初劉崇寇晉絳召暉為步軍左廂排陣使師還改沂 領唐州屯兵至郢州即代業還京改郢州刺史周廣 河陽以暉為弩手指揮使復令引兵趣懷州契丹 因領 郢州刺史慕容業治多不法以暉為緣漢都巡檢 頭 **幽州大城人後唐清泰初隸控鶴軍累遷奉國弩** 晉開運末與武行德奪契丹甲船於河陰行德 州軍漢祖入汴暉迎於裝陽授懷州刺史乾 將

欽

定四庫全書 一八

巻二百七十二

朝廷方議伐蜀遷鳳州團練使兼緣邊巡檢壞砦橋道 育民侯富庶而後為謀乃賜襲衣金帶鞍勒馬令還州 李筠之叛瘡痍未復軍旅一與恐人力重困不若戢兵 東鹿安平博野百八橋武強等城命暉護其役踰月而 行營壕岩使先登陷陣事平遷華州團練使在郡頗有 州未幾改耀州俄為西南面橋道使宋初從征澤潞為 狀建隆二年太原未下部入覲問計暉對曰澤潞經 從世宗征淮甸充壕砦都指揮使既拔楚泗即授泗

ع 9

10 A. A. 10

宋史

絳趨河陽及入汴以超為鄆州必敵指揮使時京東諸 依 兵開大散闢路躬撫士卒且役且戰人忘其勞十二月 使 至青泥嶺卒天禧五年暉妻年百五歲家貧詣闕自陳 二年大軍西下乃以暉充西川行營先鋒都指揮使督 之隸帳下為小校漢祖將渡河遣超先領勁騎由晉 超大名元城人初事邢帥安叔千漢祖在太原超往 暉盡得山川險易因密疏陳之太祖覽之大悅乾德 賜東帛錄其孫永德為三班借 卷二百七十二 職

四月石建一


橹 都 餘 有 西 州寇盜充斥以超為宋宿亳三州遊爽巡檢使改宿州 欽 北顯德四年冬與王審琦攻舒州敗吳軍三千先禽 戰 揮使許萬以獻時黃州未下即命超遙領刺史兼樓 衆於盛唐縣獲權船四十餘艘禽其監軍高弱果毅 定四車全書 1 固鎮守禦都指揮使移屯賴州下蔡鎮屢與淮人戰 權右廂都校師還改光州刺史敗吳軍千餘於麻 周世宗命宰相李穀討淮南以超為步軍先鋒副 揮使又為廬壽光黃等州巡檢使大敗淮人三千 宋史: Ī

44 遣 超充使太祖討李重進以為前軍步軍都指揮使及平 副宋偓領舟師 刺史施仁望獻於行在即以超為舒州 在 揮使改鄭 防禦使從晉州兵馬鈴轄是秋又副趙贊為邠州 都 歸治所建隆三年春遷祭州防禦使乾德六年改終 淮 部署進攻河東及太祖親征為行營前軍步軍 右習知江山險易徒 州防禦使開寶七年朝廷将討江左以 巡撫江徼月餘特詔升舒州為防禦以 靳州防禦使行至淮西卒 團練使宋初命 超 行

克紹勲伐延昭久居邊圖總式訓士威名方客聞于敵 思有以報常勝之家千慮一失然其素得士心部卒不 然其忘驅狗節誠可嘉也業本太原驍将感太宗寵遇 於敵境雖罕儒恃勇不戒光實甘賊遷之言失在輕敵 論曰昔許子卒於師葬之加等春秋書之所以褒臣節 年七十一天禧元年錄其孫文春為三班奉職 忍離去從之以殁則忠義之風槩可見矣嗣與延昭並 **像官守也業罕儒光實咸當捏城之寄臨我力戰殁**

宋史

Ŧ




業因太息曰上遇我厚期討賊捏邊以報而反為奸 業 倳 重貴世 勘其主繼元 原 劉 業傳〇 宋史卷二百七十二考證 不同 城每殺傷王師 繼業後復姓楊 袓 臣人龍 賜 今· 降 0 姓 按宋通鑑業本北漢建雄軍節度使 及繼元降繼 臣 名 止名業又按續通鑑繼業本名楊 琦 按宋通 鑑 業猶據城苦戰與本 繼 業為漢主打 臣 大


k


ع 9

not by duty

宋史









總校官庶吉士臣張能的

校對官無言士臣陳常本

腾録監生臣蕭肇館